



22263

Nat. Kom.

III

Mag. St. Dr.

P

Trebeti Matthei Casim: Munus parentale ma-  
gnis manibus feceris et fovisti. Principis  
an d. d. Vladislai IV ces

PANEG. et VITAE

Polon. Fol.

№ 1540.



Biblioteka Jagiellońska



stdr0003025

P

S

V

M

S

Pi



M V N V S  
P A R E N T A L E

Magnis Manibus

SERENISSIMI & INVICTISSIMI  
P R I N C I P I S,

*Ac Domini, D.*

V L A D I S L A I I V.

D E I G R A T I A

R E G I S P O L O N I Æ,  
M A G N I D V C I S L I T H V A N I Æ,

Russiæ, Prussiæ, Masouiæ, Samogitiæ,  
Liuoniæque,

N E C N O N

Suecorum, Gothorum, Vandalorumque  
Hæreditarij R E G I S.

Ad Ferale bustum

*Per*

M. MATTHIAM CASIMIRVM TRETERVM,  
*Artium Magistrum, & Philosophiæ Doctorem, Academiæ  
Crac. Professore*

P R Æ S E N T A T V M.

*Anno à Partu Virginis 1649. Mense Ian. Die 1*

---

C R A C O V I Æ,

*In Officina Typographica Francisci Casarij, S. R. M. Typographi.*

*Pieniążek N. 1016.*



V I R T V S  
 ILLVSTRISSIMÆ PROSAPIÆ  
 VESSELENORVM.



BIBLIOTH. UNIV.  
 JAGELLONICAE

22263<sup>m</sup>

Don. A. de P. m. l.

bris  
 com  
 infi  
 illi  
 sub





ILLVSTRISSIMO COMITI,

*Ac Magnifico Domino, Domino,*

D. FRANCISCO

DE HADAD

VESSELENI.

Perpetuo in Muran ac Comitatus Borsodien.

SVPREMO COMITI,

Sacrae Cæsareæ Regiæque Maiestatis

CONSILIARIO ac CAMERARIO,

Partium Regni Vngariæ Superiorum

GENERALI,

Nec non Regni Poloniae Equiti, &c. &c.

*Domino, Dño, ac Mecænati Colendissimo.*



Nuversalis iste dolor, qui in totam sese effudit SARMATIAM, etiam meum exciuit calamum, ut Regale funus, atrata prosequerer in paginâ Illustrissime COMES; Sin speratum hunc LECHICI Solis occasum, Parentalibus lugubris sepiâ exciperem tenebris. Quid enim ego solus iam inciuilis essem, ut ab hac publici doloris communione abesse, nec illi inscriptus, nomen meum dare vellem? aded infidelis, ut Regalem Aquilam, ad mortuales properantem nidos, cum illi subiecta sim Volucris, maestâ pennâ sequi recusarem? Sed retraxit me subito, de viâ intercurrēs tantæ Maiestatis Lictor necessitas, & populari

dictioni,



ditioni, propiore Regis congressu interdicto, querere Patronum iussit, in  
cuius tutus comitatu, feliciori cothurno, obire totum feralis huius Pom-  
pæ spectaculum possem. Circumferenti auidos oculos, pellexit cunctan-  
tem Illustrissima Celsitudo Tua, ut ad eius me aggregarem famulitium,  
cui obuiam venit officiosa Musa mea, & de Academica Porticu, ad tan-  
ti Mecænatiss properat Aulam. Optabam equidem letiori aliquo mu-  
nere, primum propensæ voluntatis pendere Tibi debitum Illustrissime  
Domine; Sed quoniam publici dolores talem dedere viam, ad Tuos de-  
merendum Honores, per Fata Regalia, aditum sibi sternit Tributaria  
Pallas, ad Tua obsequia. Nec profectò alibi melius conquiescere po-  
tuit Serenissimus VLADISLAVS, quàm in sinu Tuo: Geres (o-  
pinor) tutelam Tutoris quondam Tui; & Regiam Maiestatem, à mor-  
tali impetitam bastâ, ne ulterius malignis inuidorum oppugnetur telis,  
Martiali Styrcis Tuae proteges Insigni. Nec miraberis Illustriss. COMES  
minus cultum, & à Regali pompâ destitutum ad manus Tuas deduci  
VLADISLAVM; Exiit illum omni debiti decoris apparatu im-  
portuna Mors; omnemq; Numerose illius glorie computum, unica hæc  
superueniens, cancellavit ciphra. Nihil hic leges Illustrissime Domine  
nisi pullatum, & lacrymis ad singulas cadentibus voces lituratum magis,  
quàm literatum; Rapuit uti è Regali Curiâ, ita ex nostrâ quoque E-  
loquentiâ, omnem vetustatis purpuram ferox Libitina, & exanguis hæc  
Dea, exanguem pallere coëgit Orationem, ubi præsertim alius, à super-  
tonantibus hostium armis, fulgurat terror. Sed non tamen omninò suis  
viduata decoribus properat Oratio, quorum maximus Ille de QVO,  
& Tu CVI mea textitur Eloquentia. Sub tantis Nominibus, secura  
venit Pallas mea, magnam ubique habitura attentionem, quam VLA-  
DISLAVS victricibus indixit armis; magnam benevolentiam, quæ  
in Te publico, (dicam verè) Sarmatiæ Vngariæq; coiens delicio, una Te-  
cum, quod spero, precorq; ad hanc deflectet paginam.

Illustrissimæ Celsitudinis Tuæ

Obsequentium humillimus

M. Matthias Casimirus  
Treterus.





# ORATIO.



**G**RAVE & inopinatum Serenissimi  
VLADISLAI IV. Poloniae Electi, Succiae  
Haereditarij Regis, (vtinam spectauissemus  
nunquam) inter tot publica Fata, spectamus  
Fatum. Attonita nuper fortunatis ipsius victo-  
rijs Polonia, & tot triumphatorum hostium  
adornata exuijs, mortales illius, ipsius Triū-  
phatoris, ad tumulum ducit exuias: inque hoc quinquepedalis vr-  
nae spatio, nimis spatiosum, & Orbis totius capacem circumscribit  
genium. Iacet in lugubri feralis feretri Theatro, Magnus ille, im-  
mortalis gloriae quondam Actor, nunc mortalis Tragediae lusus  
VLADISLAVS; & qui in vitā omnem, Nomine, Numineque  
suo, latē proiecti Orbis, impleuerat locum, in morte nimis strictā ab-  
breuiatus diminutione, vix arctum implet locum. Ah inimicam, in  
nostrosque luctus nimis seriam, Fatorum seriem! Ah immitem fe-  
roci Libitinā audaciam! quae inter ipsas veri delicias, Gentilitium  
tanti Regis, inopinā falce succidit Manipulum; nec expectatā gran-  
dioris gloriae messe, pænē suo Maio herbescentes spes nostras, ad sub-  
terranea deuehit horrea. Si aliqua cum atrocibus daretur Parcisi li-  
citandi libertas, emissio repenti taciti doloris apparitore, ream laesae  
Maiestatis, adcitaremus mortem, quae, non seruata debita veneratio-  
nis politie, violentas manus Serenissimo Regi nostro inferre prae-  
sumpsit: Sed enim, cum ultimo huic rerum omnium termino, nul-  
lus ulterius proster terminus, & praesens Interregni tempus, indicto  
Iustitio, omnia occluserit Iudiciorum fora, ab iniuriosa Actione, ad  
querulosam conuertamur plorationem, nauigantemque à nobis,  
& ab immiti portitore auctum VLADISLAVM, publicis su-



spiriorum prosequamur Zephyris. At cur in ipsis primordiis lassatus torpet animus? an victus dolendi mole dolor, fatiscit sub onere? & inter promiscuas has totius Reipub. lacrymas, naufragari ipsa metuit penna? Certè cum in vastissimum hunc vdi doloris Oceanum, rudem expedire attento calamum, verendum mihi meritò venit, ne tantis inuolutus fluctibus, Casus, dum luget alienos, ferat suos, & Regali commoriens fortunæ, laceras in chartaceâ hac tabulâ, ægrè ad portum deducat literas. Quid enim ego, inani verborum ambitu, querulos struam lessus? quid funerali Næniarum Syrmate, lugubrem inuestiam paginam, cum rudes hos literati doloris planctus, cancellet illa (quemadmodum nuncupatur) vltima rerum linea Mors? cadentesq; è vultu lacrymæ, totam turpibus lituris aboleant orationem, mergant vocem? Prorumppe tamen, sine lege, sine pompâ, inordinate dolor, & elatum ad Parentale funus Regem, atrato prosequere inamictu; post feralemque hanc Poloni solis Eclypsim, chartam ipsam, luctuosis plangentis sepiæ, inuesti tenebris. Si verò ipse calamus, in lacrymabilem liquecens guttam, minùs comptam ad busta VLADISLAI texuerit Panegyrim, dabitur spero venia exlegi luctui, inter has præcipuè, obmutescentium legum, ferales ferias, sine lege peroraturus; Neq; enim mihi hic animus, viuam Serenissimi VLADISLAI, ah Mortui! sub aspectum dare effigiem, sed suffecerit paucas gloriæ illius ducere umbras, dum totam illam gloriam inimica Mors, Sarcophagi obiectu inumbrat. Aduerte oculos, quisquis Regalis Fati, & circūpedis luctus, spectator es, & sicubi, Aulicus sermonis nitor, venustaque dictionis defuerit purpura, Mortem non Auctorem incusa, quæ rubeos hos murices, vti in Corona, sic quoque obfuscauit in pagina.

Ad urnam Serenissimi VLADISLAI IV. stamus, vbi euocat arctiorem planctum infessus dolor, & diffusa in gemitus, cum ipsa egeat, nihil solatij affundit Eloquentia. Ad urnam stamus, quâ licet vnâ, tot iterato luctu sepelimus Reges, quot VLADISLAOS, quot victoriosos, orbemque, vel gladio, vel elogio meritos Principes, mæsta tumulauit Polonia. Illuxerat ille Auitæ, Paternæque, immò tot Regum, tot Cæsarum virtutis & gloriæ Hæres; Prodierat è Regali toto, ad Regalem destinatus thronum, Magnorum imperiorum futurus Successor; & in hunc mortalis terræ orbem, sub augusto, Paterni Diadematis, effusus est orbe: Nempè, ita decebat, vt

ad Sar-



ad Sarmatici Paludamenti vocatus olim purpuram, à paludati sanguinis murice, suum traheret ruborem; & consimilem sequenti vitæ nactus ortum, ad Regna, per Reges, initiaretur; dignisque sceptro virtutibus, simul cum infantili lacte illactaretur. Hoc verò ad summam VLADISLAI gloriam spectare videbatur, vt in Patre ac Matre, coaceruatis totius Europæ decoribus, ex tanto, confluentis in vnum, gloriæ fluento, vnus iste promanaret riuus; Factus, antecedentium ætatum compendium, sequentium exemplum. Vt enim magna flumina è pluribus coalescunt vndis, sic quos fortuna plurimum directores esse voluit, è plurium delibatis struuntur honoribus, multiplicemque, Illustrium Auorum, excipiunt gloriam, nascendo, qui eam multiplici auctu, sunt propagaturi viuendo. Natus autem est VLADISLAVS IV. ex Augustâ Polonorum Suecorumque Regum stirpe, Iagellonio & Austriaco, vtrinque inundatus sanguine; à quo non degener ille animus, ita semper omnem vitæ suæ componebat tractum, ne Augustam Stirpem, dispari viuendi ritu angustaret, sed per quotidiana crescentis cum statura famæ augmenta, notuas semper, & Regales, Regali genesi pareret auxeses. Solent curiosi Magnatum assentatores, Cœlum quoque ad Regias vocare cunas, & ab illa superiorum luminum habitudine, de infantili recens nascentium Principum coniectari lumine; Quasiuerò, maiores illæ faeces superiacentis ætheris; minoribus his terrarum splendoribus, vel conuenienter adluceant, vel de illorum vltiori progressu, præfago ore edisserant. Atque ita gloriatur Augustus, veniente ad suos ortus, Capricorno; Cosdroas Persarum Tyrannus, serpente, sub cuius Genethliacâ luce, solarem primùm aspexit lucem. Serenissimo VLADISLAO, equidem, quænam in cælis præluxerint sidera? quinam ex illâ Empyreorum ignium Aulâ, occurrerint anteambulones? nescio! In Natiuo tamen Poloniae polo, magna iam inde præiuisse illi Omina, magnas effulisse spes aduerto. Nascituro Alexandro Macedoni, geminæ anteuolauère Aquilæ, & Regale genitalis domus culmen, Regales insidendo alites, primam dedere, tam nobili infanti, obsequij pensionem; profuturiq; Terrarum Domitoris, felici introitu, domitores ipsæ volucrum, totâ nocte peruigiles exegere excubias; Geminas & ego, in Gentilitijs vtriusq; Parentis Ceris cerno Aquilas, quæ Principi nostro mortalem designauère stationem, vtq; Sarmatico huic Ioui Armigeræ essent, in Gentilitijs emicuere armis.



Benè verò candidans altera, nigra alia, mirabili fœdere ad felicissimas  
VLADISLAI coiêre Cunas, vt ex hoc oppositorum sibi colorū  
temperamento, gratioꝝ purpuræ Regalis prodiret rubor, & iam inde  
disceret visus primū orbis, à nouo hoc sui Aduena, Album Patriæ,  
Atrum Barbariæ, ferri decerniue calculum. Neque hîc signorum  
modus; Fateri apertiùs nascentem Regem Triones nostri voluêre,  
dum, non tantū præcursores volucrum Reges, sed ipsa Regalium  
frontium insignia, in Suetico Stemmata, ad cunas submisêre; Nec  
ambiat tam sacrum caput, illa, à Libero profanata, illiberæ Ariadnes  
Corona, Cœlum virginitatis propudio, stupri, impendio merita:  
Felicitiùs ad infantilem frontem, terna confluxêre Diademata; vnum  
enim non suffecisset illi, cui æquè ac Pelæo iuueni, vnus non suffecit  
orbis. Atque vt Natali huic Pompæ, aptus etiam consonaret dies,  
ita Supera tēperauêre Fata, vt illâ luce in mortalem veniret lucem,  
quâ Inuictissimorum Martyrum, Primi & Feliciani, solennis exigitur  
memoria; prænunciante iam inde fortunâ VLADISLAVM IV.  
primum in Hyperboreis hisce fore ditionibus, qui felicitate Atauis,  
Maioribusque proprijs antistaret. Ab his fortunati ortûs præludijs,  
facile iam patebat, quemnam post hos primitiuæ fortunæ prologos,  
daturus erat Actum, vbi è puerilibus euolutus fascijs, ad debitos de-  
uenisset Fasces, Dominatricemque induens personam, vota nostra,  
& Fata ostentaque implere cæpisset sua. Resplenduisse sibi Sarmatia  
visa in Regis huius Natiuitate, sed meliore, quàm Hecuba à nato Pa-  
ride, face; ita enim communem aspexit lucem, vt illustraret, ita pu-  
blicum vidit solem, vt, vel in Materno circumlatus vtero, grande  
quidpiam per Puerperæ Parentis faciem, insolitumque decus fulgu-  
raret. Sed quorsum ego tam curioso oculo Natales VLADISLAI  
IV. perlustro cunas, dum fatales præ oculis adstant tumbæ? laudis  
illæ, hæ mæroris, vtraque Eloquentiæ excedunt vires. Procede vl-  
terius obsecunde calame, & Magnum hunc Principem, firmato iam  
gressu, ad summa enitentem, pedissequo consecrare vestigio. Na-  
sci inter Fasces, & purpurato innutriti sanguine, etsi laude veneratio-  
neque dignum, quia tamen è fortis magis, quàm virtutis, arbitrio  
dimanat, pretium pondusque doni, à donantis leuitate minuit, &  
minùs clarum videtur, quòd cæca hæc Dea, pro libitu effouerit: Nā  
cū nemo ex cunctis terrarum inquilinis, in proprias vsquam labo-  
ret Fascias, & ignorantes nos illæ occupent, ac ad quauis Mapalia  
Magna-



Magnaliaque æqualiter ambitiosos; demi non nihil æstimationis  
necessum est illis curulibus, quarum dispensatrix semper est fortuita  
licentia, particeps autem sæpè fit etiam indigna maleuolentia: Vni  
hoc contigit VLADISLAO Nostro, quod natus sit in Regali di-  
gnitate, non sine dignitate, habueritque id, antequam meritus esset,  
quod postea meritus est, vt haberet. Patuit magna illa indoles, à pri-  
mo statim annorum tyrocinio, cum pænè puer, ad Moschouitas vo-  
catus Tiaras, suppar ab ipsis Barbaris iudicatus est, qui Amplissimi il-  
lius Ducatus molem, impubere capite sustentaret. Cogitare magis  
quàm eloqui fas est, quantus ille, Vladislauianæ virtutis, pænè inter  
puerilia crepundia emicuerit splendor, qui, vel immanes obsitæ cæ-  
co gelu Moschouiæ oculos, pellexit in Amorem. Vlysses credo ali-  
quis in illa repertus est barbarie, qui Bellatorem hunc Achillem, in-  
ter Virginis Mineruæ adhuc detentum otia, ad Imperatorias præ-  
monstrauit clauas. Securus potest esse VLADISLAVS de o-  
mnium ætatum, sæculorumque ascensu, qui nondum tantus, in eum  
deduxit stuporem perfidam Moschouiam, vt cum Patrem impeteret  
prælio, Filium appeteret Imperio; & quindenni acclinis Puero, vltro  
cum Imperatoria supplicaret Tiara, etiam viris fortibusque metuenda.  
Sed enim suffecerit Moschouiæ habere VLADISLAVM potuisse;  
composito iam enim Ducatus illius statu, exactaque Sacramenti fide,  
Indignos ostendit fortuna Barbaros, quibus tam Dignus Princeps  
præesset. Inde verò gratari multum prouidis debemus Fatis, quod  
prius fidem iurata exuerint Barbari, quàm Tiarā induerit VLA-  
DISLAVS, properauerintque ante possessum Diadema rebellionem,  
quam nisi maturassent, circumuentus inter limites hostiles Princeps,  
immutata forsitan clade, Barbaris parentasset. Non tamen impunè  
præterijt Vesana illa licentia, & ludicra illa, Personatum Ducem, fa-  
cientium sibi Moschorum scena, n fatalem ipsis desciiuit Tragœdiā:  
Sensere vlticè VLADISLAI dexteram infidæ factiosorum dextræ,  
& multi, qui repudiata Sacramenti Maiestate, ad tantam recusarunt  
submitti Maiestatem, deciso, repentè minores effecti, collo, aduolui  
VLADISLAI pedibus debuere, abssectoque capite, fateri conati sunt,  
Principem nostrum verū suum esse caput. A gelido Septemtrione,  
me, Serenissimumque VLADISLAVM, citat Oriens. Mittamus iam  
Moschouiam vltro à Principe nostro dimissam, & Soli nostro, inter  
Orientales bellorum nubes, serenissimè orienti, debito acclinemur  
C  
ritu,



ritu, & lunemus nostros, dum lunat Victori suos poplites, Othomani-  
nica Luna. Theatrum mihi quoddā explicuisse ad Chocimum for-  
tuna videtur, in quo collati duo totius Orbis Maximi Principes, An-  
nis, Animis, Armisq; propemodum pares, de Terrarum, ac Æternita-  
tis orbe, ad certamen descenderunt. Feralis sanè circus ille, in quo à  
bellicâ Monomachiâ, ad Mundanam properabatur Monarchiam;  
& in quo renouato Pelæi Hymenæi more, iactum orbis pomum, Di-  
gnissimo proposuerat Discordia, quod alterutri ex illo Principum  
Pari, non diremptor Paris, sed sua cuiq; Parma pareret. Felicior tamē  
VLADISLAO Nostro obtigit conditio, qui minor quidem quanti-  
tate molis, sed maior virtutis, illum latè fustum totius orbis exercitū,  
fundi quoq; posse docuit, & impar numero, sed animo superior, innu-  
meras Osmani legiones, gladio fortunatè computauit. Et in hunc  
ni fallor finem, ex omnibus mundi partibus, suum, Vesanus ille Ty-  
rannus, accersuit militem, vt in tanto tot gentiū spectaculo, turpius  
vinceretur; haberetq; deinde Serenissimus VLADISLAVS plures  
fortitudinis suæ testes, quos fecerat eiusdem patientes. Certè Fugata  
deinde illa Turcicorum Castrorū Turba, circumtulit VLADISLAI  
Nostri Nomen, ferali ensium stylo, benè suis iugulis impressum; &  
ignotis etiam regionibus, hianti illo cicatricum ore, Sarmaticam e-  
narravit victoriam. Non amplius de limitaneis finibus licitari bar-  
barè, iam pridem in illa Commissarum inter se Orbis virium Com-  
missione, Felix decidit VLADISLAVS; Dum exstructis ex hostili ca-  
daverum mole aggeribus, Paternos Lechiæ fines, clade dislimitauit  
Barbariæ. Sensit id attrita clade suâ Asia, quam in exitium nostrum,  
propria exciuerat superbia, in exitium verò proprium, Vladislauiana  
retudit vigilantia. Quid dico Asia? Orbis totus in illis Chocimen-  
sibus Campis, ab Osmano concentratus, VLADISLAI adorauit glo-  
riam, dum pacem ab obfesso, obsidens orauit. Satis magnum peren-  
nitati Tuæ struxisti monumentum VLADISLAE, dum toti mundo  
reuerentiam Tui extorsisti! qui in Othomanicâ Lunatus Tibi Lunâ,  
ostendit aliquid esse in Te, quòd Timor ille totius orbis timeret. Au-  
gustissimi tui cineres, afflantes gloriæ odorem fragrantissimum, nan-  
ciscuntur olim rediuiuos Homeros, qui Tuorum Triumphorum Illia-  
das, æternis insculpāt Fastis, quibus Macedones Alexandros, à Sigeo,  
Romanos Iulios, à Gadibus, ad ambitiosam æmulationem inflam-  
mabunt: accedent ad Ossium Tuorum monumenta, posthumi ven-  
turarum



turarum ætatum Heroes, vt vel in demortuo puluere, non emoriturâ  
 spectent gloriam Tuam, & melius quàm Themistocles à visis Mil-  
 ciadis Trophæis, excusso veterno, ad fortitudinem incalescant. Ne-  
 que mirum, quòd VLADISLAVM mirabantur Gentes; præ-  
 monstrat illum omnibus sæculis virtus sua, quâ contra Xerxis æmu-  
 lum, vix aliquantum mole castrorum minorem, ipse nouus Epami-  
 nondas, ad Chocimenses Thermopylas depugnauit; paruâque ma-  
 nu, auidas illas, innumeri exercitûs, manus, ad manes abire coëgit.  
 Canescit hucusque indecoris ossibus, nobilior Cannensi clade, in  
 Valachiâ Thracum strues; & muto illo cadauerum silentio, Barba-  
 ram commonet ambitionem, ne in Sarmaticas vsquam hient Coro-  
 nas, ad quas antequàm acceditur, tam funesto casu acciditur. Nun-  
 quàm credo Luna Othomanica minor extitit, quàm, cum è viciniâ  
 solem Vladislauianæ gloriæ oppositum habuit, à quo nisi tempesti-  
 uè obscurior recessisset, lumen integrum exuisset. Ridet nunc Or-  
 bis territum à VLADISLAO terrorem suum, quem ille cahinni  
 metam semper habuit; & miratur auidas illas Osmani palmas, quas  
 iniicere catenatæ meditabatur Polonia, à palmatis VLADISLAI  
 repressas trophæis, tantundem profecisse cum Lechico solo, quan-  
 tum Xerxes cum suo Hellesponto. Post tantam verò, tamque in-  
 signem de fugato Thrace victoriâ, hamauerat sibi VLADISLAVS,  
 non Polonorum tantum, sed Regum & Principum Amores, pro  
 quorum salute, salutem suam, Marti & Morti deuouerat. Videre  
 erat, cum Exteras peregrino pede transiret Nationes, quantus vbiq;  
 occurrentium, quantus admirantium populorum, penderet cætus.  
 Rapiebantur omnes in nouum stuporem, dum præ suis haberent o-  
 culis illum, ad cuius aspectum, Lunatici Barbarorum, in cæcam  
 mortem, caligauère oculi; Dum inquam eum cerneret, qui circum-  
 ductis vndique pressus ab hoste Castris, hostem tamen depressit; &  
 sitientem nostri sanguinis, proprio abundè sanguine potauit. Ve-  
 rum, post has partim bellicas in Valachia, partim pacatas in Germa-  
 nia peregrinationes, quiescendum tandem VLADISLAO in  
 Regali throno erat; & fessum defessi orbis curis caput, in Augusto  
 Sarmatici Orbis componendum Orbe: Hoc scilicet ei pridem &  
 publica vota, & priuata ipsius portendebant merita, dum tot præ-  
 liorum exercitus exercitibus, sub gladio primùm erudiit manum,  
 quàm adhibiturus erat Sceptro; Abundèque Martij illi ignes, ad Co-  
 ronam,



ronam, melius quàm suæ Timoleonti, aut Seruilio faces præluce-  
bant; Ita ordinante fortunâ, vt deuictis corporibus hostium, Vi-  
ctor euaderet subditarum mentium: & euectus ad solium magni-  
tudinem suam, eò latius triumphatis hostibus aperiret, quò altius.  
Illud me summam rapit in admirationem, quòd Serenissimus iste  
Princeps, ita omnes in sui rapuerat Amorem, vt raro Sarmatiæ exem-  
plo, vnus esset, in quem vnanimia Nobilitatis vota conspirarent; v-  
nus esset, qui à liberâ Gente, liberis electus suffragijs, discordem aliàs  
Procerum sensum, concorditer expertus sit. Quærunt hæc alij, à  
quibus V L A D I S L A V S quæsitus est, multiq̃ue sæpè Proci, no-  
stram, & præmio, & prælio sollicitauère Aquilam, vt pro illis, natiuo  
suo candori, concolorem ferret calculum; at enim V L A D I-  
S L A V S, neque arma mouit, Quam certior Regnorum custos du-  
cebat, regnantium Amor; neque mercari volebat, quod mereri po-  
terat; Vectigales tantæ virtuti imminebant Coronæ, noluit vt es-  
sent venales: Nihil illum vnquàm facere vidim⁹, vt imperaret, etiâ si  
omnia faceret, vt imperare deberet, Solius cupiens Ambitûs esse re-  
us, ne quidquam ambiret, sed ambiretur. Nec mutauit in illo ob-  
tenta Maiestas morum comitatem, idem semper compertus est fuisse,  
qui fuerat, nihilq̃ue illi per dignitatem vnquam licuit, quod ante-  
ea pet voluntatem non licuerat; Nullus illum elationis oculi, nul-  
lus nauseabûdum comperit; Patebant cuius ad eum inobsepti adi-  
tus, neque in Principe tanto vnquam visa est inaccessa Maiestas; pæ-  
neq̃ue nullo alio dignoscebatur à cæteris, quàm quòd benefaceret  
cæteris; Eum ratus esse maiorem Regem, qui magis de suorum sa-  
lute anxius, vti supra omnes, ita ad omnes emineat. Opportunè  
verò in primo statim Regni limine, patuit illi grande ad magnos au-  
sus limen, rebellisq̃ue interea Moschouia, quem recusauerat Princi-  
pem oppugnauit Regem; ita semper coordinantibus Fatis, ne vi-  
ctoriosæ illi menti vnquam deesset, quod vinceretur. Itaque Ori-  
ente debellato, ad Septemtrionem victricia arma conuertit, & Ori-  
entalium Trophæorum æstus, Hyperboreis temperauit frigoribus;  
Quanquam ardor ille insuperabilis, non tantum à Moschouitico  
gelu non refrixit, sed mirâ Antiperistasi, ab ipso intensus, contra-  
riorum obiectu, in grandem gloriæ flammam eualuit. Nemini ab  
Orbe condito, fortuna similis arrisit, quæ pari trophæorum tenore  
cuiq̃ue famularetur, plerumq̃ue enim vnâ manu propitia, nec am-  
babus



babus dextra est: at cū ad VLADISLAVM nostrum venit, sese quodammodo exiit, dūm abdicatā mutabilitate, constantiam trophæorum professa est. Magnus proculdubio fuit ille Iupiter, cuius Armigera Aquila, venenatos Draconis Moschi afflatus, ita elusit, ut regeret; circumductoque vndique mortali igne, obsessum Fatalemque hunc scorpionem, eò ad egit, ut proprio aculeo, in se defæuere, & morsu proprio perire, ne periret, debuerit. Sed ne tam nobilis Triumphus celeriter decurramus spectaculum, quod VLADISLAVS iste, per multa, & temporis, & Orbis extendit spatia, totam illam Moschouiticæ cladis pompam, grandiori cothurno in arenam producamus. Primus tantæ victoriæ gradus à populatione Vesani Populi cæpit, & vlticibus vndique flammis, vincendæ Moschicæ hyem, prolusum. Usurpare poterat Serenissimus VLADISLAVS Iulianum illud: *Veni, Vidi, Vici*, si non prius vicerit, quàm venerit, cū aduentus illius, vulgato rumore, hostis breui casurus, ab obsidione non nihil cesserit. Inauditum est potentiam voluntate mensurari, mensuravit; Incredibile, inter circumfessa frigora, non algere, id tamen assecutus est, ut asperas brumæ procellas toleraret simul ac tolleret; ab ipsoque gelu prognatis in se ignibus, hostiles copias, redigeret in mortalem Cinerem. Non est quod classico Martio, Scuerum Roma suum prædicet, per niues & gelidatas pruinæ, aperto capite ambulanti: Fama hæc, fregit in VLADISLAO vires suas, qui debito Patriæ amore, merito Barbariæ inardescens odio, tam feliciter ac fortiter, superavit Moschicam hyemem, ut bellicissimi quoque Hephæstiones Lechici, virtute illâ inflammati, coniuratam in hostem inirent sponsonem. Experta quidem sæpius Moschouia, clade suâ, Polonæ fortitudinis argumenta, sed fortunam ante, suis conatibus obliquam, placari posse spe audacter temerariâ credidit; At sensisset Fæd' fraga, quàm vltix instet perfidis à tergo pæna, nisi Serenissimus VLADISLAVS triumphatis hostibus, nouam in mediâ victoriâ, iustæ iræ suæ, ordinasset victoriam, & nisi inimici sanguinis, lamentabilem eluuiem, clementiæ Vladislavianæ, imprecatio repressisset, deprehensus inter suas munitiones hostis, cruentum cum ipsis moliminibus naufragium subiisset. Tum patuit quanta illius Regalis Aquilæ esset Potentia, ad cuius vnicam pennam, tam multa hostilium plumarum extabuere agmina. Habet ipse Mars, quod VLADISLAO nostro inuideat, qui vir-



rute & fortunâ suâ, ita compressum occlusit hostem, vt numero viribusque longè maior, dùm neces spirat nostras, adigeretur ad suas; vndique dolendus, nisi maluisset V L A D I S L A V S donata hosti vitâ, relinquere tales, qui Orbi prædicarent, nouam fortitudinem, & nouam vincendi sine cæde originem. Multa fateor in illo conflictu, raræ magnitudinis edita sunt argumenta, sed nihil æquè hosti ipsi, ac Orbi mirum fuit, quàm cum à V L A D I S L A O fieri vidit, quod facturus ipse non erat, si vicisset. Profectò prodigij instar est, victoriam continere, gladiumque felicem, cuius infecti semel (teste Seneca) vecors libido est, intra modestiam frenare; Prodigij est, trophæis non inolescere, & per bella hostes ad genua deprimere malle, quàm opprimere. Maximum hoc in magnis est, & magnificentum animi temperamentum, in impotentes, potentiâ non abuti, neque pacem violatam sanguine refarcire: Aurea vox Marcelli Romani Triumphatoris, ita decere (inquentis) Ducem Romanum, qui Tyrannus esse nollit, vt dùm manibus hostilem fundit sanguinem, ex oculis vnâ lacrymosum fundat imbrem. At V L A D I S L A V S noster eo insuper Marcellum superauit, quod superatorum sanguine abstinerit. Profusa hæc nimium liberalitas, Victorem victo non insultare, & potentiam à licentia discernere: Cœlestis quidam magnorum animorum est, ita agitari. Naturale est magis noua, quàm magna mirari. Vltrâ naturam vtrumque in V L A D I S L A O enituit, cum Draconem Moschicum, iugi impatientissimum, subiugauit, ex comminutisque illius spiris, Coronam sibi comparauit, præstantiorem longè, quàm, quæ Deorum simulacris, ex serpentum fuerunt concinnatæ exuijs. Credidit ad genua V L A D I S L A I aduolurus in suo Sehino Septemtrio, à Marte illi ensẽ mutuatum, sed cum dexterâ simul: Credidisset veriùs esse vtrumque hoc in V L A D I S L A O, quod Mars ipse posset deriuare. Hydra noua, noui Herculis, nouas artes est experta; In hoc tamen fortunatam se reputare potest, quod clarior Orbi, cladẽ suâ sit effecta. Eat nunc Cycada, obstrepat Suetico huic Leoni, Draco cum Aquilâ Lechæâ depugnat; Noctua Borealis, soli appropinquet V L A D I S L A O, satis gloriosum est Moschouix obi cladem magnam, à Magno V L A D I S L A O illatam, vbiq̃ue magnam diuulgari. Non egēs Phidiâ Serenissime V L A D I S L A E, vt in scuto Palladis Palmarum Tuarum exprimat monumentum. Nomen tuum Sculptor Æternus

nus  
exara  
iteru  
Tyr  
bus.  
lus in  
sed p  
fortit  
pressi  
Maic  
Rex  
bend  
rare  
nou  
trucu  
mini  
S L A  
V L A  
medi  
rum  
V L A  
nauit  
ipso  
quide  
tem p  
ximos  
Regia  
non st  
in for  
lix A  
ad gen  
Felix  
Manip  
fulmin  
umph  
dexter  
cauit a



nus est, quod famam Tibi in decisis hostium ceruicibus, ferali stylo  
 exarauit. Sed non hic VLADISLAVIANÆ fortunæ finis;  
 iterum à gelidis frigoribus, ad igneos æstus, à calcato Septemtrionis  
 Tyranno, ad calcandum Orientis fastum, incitatis prouolauit passi-  
 bus: Verè Regū Maximus, & Solus, qui solis spirabat victorijs; So-  
 lus inquam, qui triumphalibus semitis, non reptabat per clypeos,  
 sed per detrita Monarcharum ambulabat capita: Nempè nusquam  
 fortissimis ceruicibus expeditius ad gloriam iter, quàm cum per de-  
 pressas gradiuntur ceruices Tyrannorum; nunquam eminentior  
 Maiestas, quàm cum ruinis substruitur æmulorum. Festinabat  
 Rex iste, victoriarum peritissimus, vt nullam à præclaris ausibus ha-  
 bendo vacationem, nusquam animum ab insigni Militia exaucto-  
 raret. Prodierat verò tunc è latebris nouus Thracum Anguis, à  
 nouo hoc Hercule elidendus; Prodierat Monstrum Moschouitico  
 truculentius, Amurathes cum suo Abassio, in caueam perennis igno-  
 miniae coarctandum. Fatale iam olim Amurathibus VLADIS-  
 LAVIANVM Nomen est, ex quo, Magnus ille ad Varnam  
 VLADISLAVS, postquam Amurathem Turcam cecidit, in  
 medio ætatis ac triumphi, cecidit; perculeratque nostro æuo alte-  
 rum consimilis ferociae Barbarum, consimilis miseriae euentus, à  
 VLADISLAIq; Nomine, sinistro sumpto omine, adeò conster-  
 nauit vniuersam Othomaniam, vt vix dum, ad arma progresso in  
 ipso belli procinctu, omnium exanimaret animos. Nec defuerant  
 quidem VLADISLAO alia hostem debellandi genera, sed do-  
 tem primam, Regum Clementiam secutus; ostendit ipso facto, Ma-  
 ximos quosque ad vltionem esse lentissimos; & satis habere illud ad  
 Regiae Maiestatis decus, si timore consternatos aduersarios, ferro  
 non sternant. Verè Sceptrum VLADISLAI fulmen fuit, quod  
 in fortia exercendo fortitudinem, imbelia bello non laceffiuit. Fe-  
 lix Amurathes, qui Illo regnante se euasisse gloriari potest; Sed nisi  
 ad genua Regis tanti, supplex, pace postulata, procidisset, occidisset.  
 Felix & Poloniae Aquila, quam sub Gentilitio VLADISLAI  
 Manipulo, & felicibus lauris securam, Asiatica nunquam tetigere  
 fulmina. Optimè verò, post tantos è domito vtroque Orbe tri-  
 umphos, VLADISLAVS Noster Austriacos prospexit toros, &  
 dexteram militaribus hucusque assuetam gladijs, sponsalibus appli-  
 cavit annulis, vt cum Austriacæ Imperatorum tæniâ, Regalis con-  
 iunctus



iunctus Manipulus, Feliciores deinde in Fasciâ hac, ruinatus continuaret Fasces; Et reuera sinistrum statim Thraciæ fuit Regale hoc Connubium, ad cuius hymenæum præcinente STANISLAO KONIECPOLESCIO, fatales saltus in Abassio, ducere coacta est. Dùmque Orbem totum armis amplecti vult, ab orbiculari hoc ausu, ad perpendicularem casum, detracta est. Atque hæc prima fuit hostia, quæ ad Maritales Principis nostri aras cecidit, & terram sanguine suo purpuratam, reuulsis à ceruice osculis, cruentauit: Factusque fuisset præda auspiciatissimæ huius connubialis catenæ, nisi emendicata pace, abire, quàm perire maluisset. Alta exinde Terris Sarmaticis Pax, & veluti sopito vndique orbe, perennis Quies; Aureum quodammodò rediisse nobis visum sæculum, dùm Regalis iste Manipulus, Austriacâ incinctus Vittâ, in tam pulchram Pacis effloruit messem. Vt verò feliciorum daret gloriæ prouentum, pacuit eum, illius agri ad erere areolis, qui, (Deo ipso Teste) est *Hortus conclusus*; ut ita gratius, ad præsentis gloriæ, futuri sæculi herberet memoriam, si comes sibi iungeretur, ille tanti Horti dignus *Flos de Radice lesse*. Nunquam credo iustius Christus dici potuit *Flos campi* Poloni, quàm excolente hunc campum VLADISLAO, sub cuius triumphali manu, in eas quoque, quibus fastiditus erat, odorem, transmittere capit regiones. Fat incompta illa bellatrix Semiramis, insano delirio, imparem terram rata delicto, pendulum in aëre effingat hortum; aggerat super prodigiosæ Urbis cacumina humum, ut veluti ex humata sepultaque vrbe, viua melius exurgat voluptas; disponat a'ter ille effæminatus Imperator Heliogabalus floreas in lecto cohortes, & odorum in Regali toro hauriat tornum. Felicius VLADISLAVIVS cum Deo Flore quiescit Manipulus, melioremque virorem, ab immarcescibili eius trahit æternitate. Non miror iam, si tot partis laureis Orbi demum Polono etiam suam intulit oleam, & veluti compressam sanguinis eluie, post bellicum cataclysmum, pacatam Sarmatiæ reddidit malaciam: quia primum semper in illius Fascibus Natiuis, Diuinus ille *Verbi incarnati*, locum habuit *Ramus*, à Columbino spiritu, in Virginalis vteri Arcam, sub vesperam occidui mundi allatus. Perrupisses etiam VLADISLAE hoc præduce ad ipsas Cocyti domos, & melius quàm Æneas, auratâ triformis Hecatos fronde, Tu pacato vniformis Triadis hoc Ramo, Auernalia claustra euicisses: nisi triumpho hoc dilato




lato Æternum Numen, fatis duxisset, quòd Cerberum Hæreticum  
terrueis, & collectam Thorunij pallidarum umbrarum, ad solem  
Iustitiæ impallescens phalangem, reprefferis nonnihil, cum pel-  
lere nequueris. Appendebat olim, fabulosa vetustas, postibus  
porticibusque falsorum Numinum, votiuos herbarum fascēs; Illiga-  
bat ferta; Victrices deferebat coronas; Feliciori commento Serenif-  
simus V L A D I S L A V S Manipulum suum vni deuouit Deo, Im-  
periososque Fascēs, ante illum portari fecit Consulem, qui æterna re-  
git Fidelis Romæ Capitelia: Percurrite CLAROMONTANAS,  
B O R K O V I E N S E S q̄; in Maiori Polonia Deiparæ Ædes, vtro-  
bique, tam illic in Montibus, quam hic in syluis, vernare ad gloriam  
Dei, Diuæque Matris V L A D I S L A V I A N V M cernetis Mani-  
pulum; Primumq̄; esse, qui vti Regnum dignitate, sic Regni Tem-  
pla pietate illustret, & compleat. In BORKOVIEN. Virginis M A-  
R I Æ Imaginem, præcipue eo elatus animo, vt illi Propratori Nu-  
minis, Romano Pontifici V R B A N O V I I I. acclinari ausus sit,  
quòd emerita hæc Statua, digniorem in Rostris Ecclesiæ sortita lo-  
cum, magis Plenario frueretur Indulto. Rupit interim profundam  
hanc pacem, soluitque Fatum, dum reuinctâ à Felicissimo hoc Ma-  
nipulo Fasciâ Austriacâ, Coniugem ad tumulum faciauit C Æ C I-  
L I A M: Cuius locū cum G A L L I C A occupassent L I L I A, & pulchro  
nexu Regalibus se Fascibus adnexuissent, non diu liliato hoc quo-  
que occidente contextu ferali, per Parcā institutum est diuortium;  
quò medias inter Majj Etesias, inopino casu V L A D I S L A V I A-  
N V S concidit Manipulus. Et hic demum funestæ illius Tragœ-  
diæ, flebilis est Epilogus, quam ferox Libitina, in Coniuge captam,  
in Filio proscutam, in Patre demum, Marito ac Rege, (fatis iam  
benè præexercitis viribus) ferali catastrophe continuauit. Non  
opus credo te Sarmatia ad Parentalem euocare luctum! Sentis  
malo edocta Tuo, Quem amiseris: Cum succiso hoc Regali Mani-  
pulo, amputatur simul optata Pax, & populati cruento Marte, ste-  
rilescunt, nec vltra in novos Manipulos exurgunt, Campi! Abstu-  
listis nobis aduersa Fata optatam Quietem, cum Serenissimum  
V L A D I S L A V M in æternam transtulistis Quietem! & eadem  
umbrâ, quâ Regalem hunc, inter umbras pepulistis Solem, lugu-  
bri bellorum caligine, publicam quoque atrauistis Serenitatem. Ah  
immanitatem! eadem vrnâ V L A D I S L A V M, & nostram tu-  
mula-



mulamus pacem! iisdemque lacrymis, Regia & Patria deflemus,  
vtinam & mergamus, Fata! Mittimus in terram non amplius in  
nouum VLADISLAVM, renasciturum Regalem Fasciculum,  
cum quo & lætitiæ, & messis, extremam spem inimicis concludi-  
mus glebis. Heu dignam omnibus nanijs iacturam! Si post  
hanc, flebilium vndarum accessionem, renauigare semel auctus  
vellet VLADISLAVS! Fleamus tamen hoc ipsum damnum,  
quod nulla vltcrius recuperandi exstet spes, habeatque noster  
mæror, hunc vnum modum, quod mæreat, sine modo;

*Magnus enim sibi ipsi non facit  
finem dolor.*





efflemus,  
nplius in  
ciculum,  
oncludi-  
Si post  
auctus  
amnum,  
noster  
lo;



